


EUSKAL AEKO INDUSTRIA PRODUKZIOAREN INDIZEA (IPI) 2011KO ABENDUA

Euskal AEko industria jarduera % 2,4 jaitsi zen 2011ko abenduan

Aurreko hilabetearekin, 2011ko azaroarekin alderatuta, Euskal AEko industria produkzioa % 0,3 jaitsi zen

Eustaten datuen arabera, eta lan-egutegi homogeenari dagokionez, Euskal AEko industria produkzioa 2010eko hilabete beraren aldean % 2,4 jaitsi zen 2011ko abenduan. Aurreko hilabetearen, hau da, 2011ko azaroaren aldean Euskal AEko industria produkzioa % 0,3 jaitsi zen, estazionalitate-ondorioak zuzendu ostean.

1. grafikoa. Euskal AEko Industria Produkzioaren Indizea. Hilez-hilekoak. Urte arteko hazkunde-tasak. Egutegiaren eragina zuzendutako datuak



Iturria: EUSTAT. Euskal AEko industria produkzioaren indizea (IPI)

Industria sektore nagusienak sailkatu ostean, 2011ko abenduko indizearen eta 2010eko abenduko indizearen bilakaeren artean aldeak gertatu dira sektore guztietan: Ekipamenduko Ondasunak % 2,5 igo dira, Tarteko Ondasunak % 4,5 jaitsi dira eta Kontsumo-Ondasun guztiak % 7,0 igo dira, Kontsumo-Ondasun Iraunkorrek (%11,3) eta Kontsumo-Ondasun Ez Iraunkorrek (% 6,0) gora egin dutelako. Energiak % 14,5 egin du behera.

2011ko abenduko hilabete arteko aldakuntzak (2011ko azaroaren aldean) ikur ezberdina izan du industriako sektore nagusietan. Tarteko Ondasunak % 2,7 jaitsi dira, Ekipamenduko Ondasunak % 0,3 jaitsi dira eta Energiak ez du aldaketarik izan (% 0,0). Kontsumo-Ondasun guztiek % 5,7 egin dute gora, Kontsumo-Ondasun Iraunkorrak % 7,1 igo dira eta Kontsumo-Ondasun Ez Iraunkorrak % 5,4.

2011ko abenduan (aurreko urteko hilabete beraren aldean) hazkunderik handienak izan dituzten sektore nagusiak *Makineria eta ekipoa* eta *Elikagaien, edarien eta tabakoaren industriak* izan dira, % 20,5 eta % 8,4ko tasekin hurrenez hurren, baita *Materiala eta ekipa elektrikoa* ere (% 1,7).

1. taula. Euskal AEko Industria Produkzioaren Indizea Sektore nagusiak. Urte arteko hazkunde-tasak. A-38 sektorizazioa. Behin-behineko datuak

	m / m-12
A38 SEKTORIZAZIOA	
SEKTORE NAGUSIAK⁽¹⁾	
10 - Metalurgia eta produktu metalikoak	-7,4
09 - Kautxua eta plastikoak	-2,4
16 - Energia elektrikoa, gasa eta lurrina	-7,0
13 - Makineria eta tresneria	20,5
14 - Garraio-materiala	0,7
05 - Zurgintza, papera eta arte grafikoak	-4,2
03 - Elikaduraren, edarien eta tabakoen industriak	8,4
12 - Material eta tresneria elektrikoa	1,7

Egutegiaren eragina zuzendutako datuak.

(1) Industrian pisurik handiena duten sektoreak

Iturria: EUSTAT. Euskal AEko Industria Produkzioaren Indizea

Kontrara, *Metalurgia eta produktu metalikoak* sektoreak % 7,4 egin du behera, *Energia elektrikoa, gasa eta lurrina* sektorea % 7,0 jaitsi da eta *Zurak, paperak eta arte grafikoak* urte batetik bestera % 4,2 egin dute behera.

Lurralde historikoka, urte batetik besterako abenduko Industria Produkzioaren Indizea positiboa izan da Araban (% 12,0ko hazkundea), baina Bizkaian % 8,5 jaitsi da eta Gipuzkoan % 3,3 egin du behera. Hilabete batetik besterako hazkunde-tasa, 2011ko azaroarekin alderatuta betiere, negatiboa izan da Bizkaian (-% 0,2) eta Gipuzkoan (-% 2,7); alabaina, Araban % 4,4 egin du gora tasa horrek.

2. taula. Euskal AEko Industria Produkzioaren Indizea Hazkunde-tasak. 2011 abendua (p)

	Egutegiaren eragina zuzendutako datuak		Datu desestazonalizatuak	
	2011abe / 2010abe	M(2011abe) / M(2010abe)*	2011abe / 2011aza	2011aza / 2011urr
Indize orokorra				
Euskal AE	-2,4	2,0	-0,3	-0,5
Araba/Álava	12,0	6,1	4,4	-0,7
Bizkaia	-8,5	-0,9	-0,2	-2,2
Gipuzkoa	-3,3	3,0	-2,7	1,3
ONDASUNEN HELBURU EKONOMIKOAREN ARABERAKO INDIZEAK				
Kontsumo-ondasunak	7,0	-1,7	5,7	-3,4
-Kontsumo-ondasun iraunkorrak	11,3	-7,7	7,1	3,1
-Kontsumo-ondasun ez-iraunkorrak	6,0	0,0	5,4	-4,9
Ekipo-ondasunak	2,5	6,0	-0,3	-0,7
Bitarteko ondasunak	-4,5	3,3	-2,7	1,5
Energia	-14,5	-7,5	0,0	-6,8

(*) 2011ko urtariletik oraingo hilera arte metatutako urte arteko aldaketa-tasa, 2010eko aldi beraren aldean

Iturria: EUSTAT. Euskal AEko industria produkzioaren indizea

2011ko industria jardueraren balantzea

Euskal AEko 2011. urteko balantzeak % 2,0ko igoera metatua izan du Industria Produkzioaren Indizean.

Industriako sektore nagusiek ikur ezberdineko aldaketak izan dituzte urte batetik besterako metatuan. Ekipamenduko Ondasunak % 6,0 igo dira eta Tarteko Ondasunak % 3,3. Energiak % 7,5 egin du behera eta Kontsumo-Ondasun guztiak % 1,7 jaitsi ziren. Azken hauen artean, Kontsumo-Ondasun Iraunkorrak % 7,7 gutxitu ziren eta Kontsumo-Ondasun Ez Iraunkorrek ez zuten aldaketarik izan. Hori guztia, betiere, 2010. urtearekin alderatuta.

Lurralde historikoek 2011. urtean izan dituzten aldakuntza metatuak positiboak izan dira Araban (% 6,1) eta Gipuzkoan (% 3,0), baina Bizkaian % 0,9 egin dute behera.

Informazio gehiago:

[Euskal Estatistika Erakundea / Instituto Vasco de Estadística](#)

Donostia-San Sebastián kalea, 1 01010 Vitoria-Gasteiz

Tel.: +34-945-01 75 00 Faxe: +34-945-01 75 01 Helb. elek.: eustat@eustat.es

Harremanetan jartzeko pertsona: Gerardo Pérez Aja

Tel.: +34-945-01 75 06 Faxe: +34-945-01 75 01

Euskal AEko Industria Produkzioaren Indizeari (IPI) buruzko prentsa-ohar gehiago

Euskal AEko Industria Produkzioaren Indizeari (IPI) buruzko datu-bankua